



Javno preduzeće "Grijanje" d.o.o. Zenica, Bilmišće br.107, 72 000 Zenica
telefon +387 32 423 097, fax +387 32 423 099
www.grijanjezenica.ba

Na osnovu člana 70., 71. i 88. Zakona o javnim nabavkama („Službeni glasnik BiH“ broj 39/14), člana 37. i 38. Statuta Javnog preduzeća „Grijanje“ d.o.o. Zenica, na preporuku Komisije za nabavke, broj: 17405/22 od 23.11.2022. godine, Uprava Javnog preduzeća „Grijanje“ d.o.o. Zenica, donosi:

ODLUKU o izboru najpovoljnijeg ponuđača

I.

Privredno društvo „GAMŠA“ d.o.o. Zenica, ul. Vrandučka br. 18, 72000 Zenica, bira se za najpovoljnijeg ponuđača u postupku nabavke **robe – Radna mašina-utovarivač**, putem konkurentskog zahtjeva za dostavljanje ponuda, Obavještenje o nabavci broj: 1091-7-1-360-3-38/22 od 06.07.2022. godine.

II.

Obavezuje se odabrani ponuđač iz tačke I. ove odluke, da dostavi dokaze o ispunjavanju uslova lične sposobnosti iz tačke 5.1. Tenderske dokumentacije u roku od **5 (pet) dana** od datuma prijema ove odluke. Nakon ispunjenja uslova iz stava 1. ove tačke, odabranom ponuđaču bit će ponuđen ugovor o nabavci radne mašine - utovarivača, najkasnije u roku od **10 (deset) dana** od dana prijema ove odluke.

III.

Ova odluka objavit će se na web stranici Javnog preduzeća „Grijanje“ d.o.o. Zenica.

Obrazloženje

Dana 06.07.2022.godine, Javno preduzeće "Grijanje" d.o.o. Zenica objavilo je na portalu javnih nabavki, obavještenje o nabavci roba – Rana mašina (utovarivač) putem konkurentskog zahtjeva za dostavu ponuda, broj: 1091-7-1-360-3-38/22. Procijenjena vrijednost nabavke je do 49.990,00 KM. Rok za predaju ponuda je bio 27.07.2022. godine do 10,30 sati.

Dana 27.07.2022. godine u 11,00 sati, Komisija za nabavke izvršila je otvaranje blagovremeno dostavljenih ponuda, te konstatovala da je blagovremeno dostavljena 1 (jedna) ponuda ponuđača i to : 1. „GAMŠA“ d.o.o. Zenica, ul. Vrandučka br. 18, 72000 Zenica, sa ponuđenom cijenom od 49.000,00 KM bez PDV-a.

Pregledom i ocjenom ponude utvrđeno je da je ponuđač „GAMŠA“ d.o.o. Zenica dostavio svu dokumentaciju koja je tražena tenderskom dokumentacijom. Uvidom u dostavljene dokaze u pogledu ispunjavanja uslova tehničke i profesionalne sposobnosti iz tačke 5.3. tenderske dokumentacije, utvrđeno je da je ponuđač „Gamša“ d.o.o. Zenica dostavio: kopiju saobraćajne dozvole ovjerenu od strane nadležnog organa, 4 (četiri) fotografije radne mašine – utovarivača u boji i Izjavu da je radna mašina – utovarivač provela na radu maksimalno 1.000 sati. Komisija iz dostavljenih dokaza nije mogla utvrditi: da li radna mašina raspolaže sa brzim hidrauličnim mijenjanjem utovarne kašike i viljuške, da li je zapremina utovarne kašike 1 m³, da li je pogon točkova 4x4 i da li viljuške za utovar paletne robe raspolažu sa hidrauličnim bočnim pomakom, a sve kako je traženo u Obrascu za cijenu ponude (Prilog II) koji je sastavni dio tenderske dokumentacije.

Iz dostavljene Potvrde o registraciji broj AA 4877995 i Potvrde o vlasništvu vozila broj BA 2423882 može se vidjeti, između ostalog, da je starost radne mašine 27 godina (godina proizvodnje 1995), da je ponuđač postao vlasnik radne mašine 25.07.2022. godine, a da je radna mašina prvi put registrovana u BiH 27.12.2021. godine. Izjavu da je radna mašina starosti 27 godina provela na radu maksimalno 1.000 sati potpisao je ponuđač koji je, prema dostavljenoj dokumentaciji, bio vlasnik te mašine samo jedan dan. Poredeći starost radne mašine i broja provedenih sati na radu može se zaključiti da je radna mašina u prosjeku radila samo 37 sati godišnje što je manje od 5 dana godišnje.

Polazeći od odredbi člana 26. stav 3. Zakona o zaštiti potrošača (Službeni glasnik BiH br. 25/2006 i 88/2015) kojim je predviđeno da nakon prestanka proizvodnje proizvoda, proizvođač ili dobavljač dužan je da obezbijedi nabavku rezervnih dijelova radi održavanja proizvoda, u roku koji za tehnički složene proizvode ne može biti

kraći od deset godina, pa se postavlja pitanje mogućnosti nabavke rezervnih dijelova za ovako staru mašinu (u EU je taj rok maksimalno 10 godina).

Za nastavak predmetnog postupka nabavke bilo je potrebno specifično tehničko ili specijalizirano znanje, zbog čega je, shodno članu 4. Pravilnika o uspostavljanju i radu komisije za nabavke (Službeni glasnik BiH br. 103/14), dana 09.09.2022. godine, Komisija pokrenula Inicijativu broj 12255/22 da Uprava Preduzeća pozove (angažuje) stručnjaka/e koji bi izvršili provjeru mahaničkih i hidrauličnih komponenti radnog stroja. Navedenom Inicijativom je trebalo izvršiti sljedeće provjere:

1. hidrauličkog sistema radne mašine (pumpa, crijeva i sl.) kako bi utvrdili:
 - da nema curenja, da nema čudnih zvukova pri radu
 - da li radna mašina raspolaže sa brzim hidrauličnim mijenjanjem utovarne kašike i viljuške,
 - da li viljuške za utovar paletne robe raspolažu sa hidrauličnim bočnim pomakom
2. da li je zapremina utovarne kašike 1 m³,
3. da li radna mašina ima pogon točkova 4x4,
4. koliko sati je realno ova radna mašina radila (s obzirom da vrlo često radni sati prikazani na displeju ne odgovaraju stvarnom stanju),
5. da li se još uvijek proizvode ovakve radne mašine (radi nabavke rezervnih dijelova).
6. provjera rada radne mašine pod opterećenjem (da se vidi je li uredan rad pod teretom).

Dana 18.10.2022. godine, po pomenutoj Inicijativi, Komisiji je dostavljen Dopis Odjeljenja za pripremu rada, naslovljenog na Upravu Preduzeća, pod nazivom „Dostava podataka“, broj 14974/22- HE, u prilogu kojeg je dostavljena sljedeća dokumentacija:

- Upit za provjeru komponenti radne mašine broj 12255-1/22-HE od 20.09.2022. godine upućen AUTO SERVISU „UZEIRBEGOVIĆ“ Zenica,
- Obavještenje AUTO SERVISA „UZEIRBEGOVIĆ“ Zenica broj 129-03/22 od 04.10.2022. godine,
- UPIT ZA PONUDU broj 14421/22-HE od 11.10.2022. godine upućen STP AGRAM-u Zenica,
- Odgovor na upit AGRAM-a DD Podružnica Zenica od 12.10.2022. godine, broj protokola 14421/22-1,
- Dopis AGRAM-a DD Podružnica Zenica naslovljen kao „Pregled vozila po upitu 14421/22-HE od 11.10.2022. godine, od 13.10.2022. godine.

Komisija je, nakon razmatranja naprijed navedene dokumentacije, utvrdila da nisu izvršene provjere koje su tražene Inicijativom broj 12255/22 od 09.09.2022. godine, te samim tim nisu ni stvorene pretpostavke za nastavak pregleda i ocjene ponude i davanje odgovarajuće preporuke ugovornom organu.

Članom 70. stav (1) Zakona o javnim nabavkama BiH (Službeni glasnik BiH br. 39/14 i 59/2022) propisano je da Ugovorni organ donosi odluku o izboru najpovoljnijeg ponuđača ili odluku o poništenju postupka nabavke u roku koji je određen u tenderskoj dokumentaciji kao rok važenja ponude, a najkasnije u roku od sedam dana od dana isteka važenja ponude, odnosno u produženom periodu roka važenja ponude, u skladu s članom 60. stav (2) ovog zakona.

Budući da je bilo izvjesno da do 27.10.2022. godine (do kada je važila ponuda ponuđača „Gamša“ d.o.o. Zenica) neće biti donesena odluka o izboru ili odluka o poništenju postupka nabavke, Ugovorni organ je, u skladu sa članom 60. stav (2) Zakona o javnim nabavkama (Službeni glasnik BiH br. 39/14 i 59/2022), ponuđaču u pisanoj formi uputio Zahtjev za produženje perioda važenja ponude broj 15511/22 od 26.10.2022. godine (putem e-maila i putem pošte).

Ponuđač „Gamša“ d.o.o. Zenica je dostavio pisanu saglasnost za produženje perioda važenja ponude broj 16056/22 od 03.11.2022. godine kojom je produžio period važenja ponude za nabavku radne mašine – utovarivača do 28.11.2022. godine.

Komisija za nabavke je Upravi Preduzeća uputila Izjašnjenje broj 16512/22 od 09.11.2022. godine koje se odnosilo na Dopis Odjeljenja za pripremu rada broj 14974/22-HE od 18.10.2022. godine u kojem Izjašnjenju je konstatovano da su samo djelimično izvršene provjere tražene Inicijativom broj 12255/22 od 09.09.2022. godine i zauzet je stav, da je za nastavak predmetnog postupka nabavke potrebno angažovati stručnjaka/e koji će izvršiti provjere tražene Inicijativom broj 12255/22 od 09.09.2022. godine, kako bi se stvorili uslovi za davanje odgovarajuće preporuke Ugovornom organu.

Dana 21.11.2022. godine, Komisiji je od strane Uprave Preduzeća dostavljen Dopis pod nazivom „dostava podataka po izjašnjenju od 09.11.2022. broj 16512/22“, broj 17250/22, u prilogu kojeg je dostavljena sljedeća dokumentacija:

1. Zahtjev za izjašnjenje broj 15886/22-HE od 01.11.2022. godine upućen STP AGRAM Zenica,
2. Odgovor Agram-a DD Podružnica Zenica od 13.10.2022. godine (protokol broj 15886-1/22 od 03.11.2022. godine),
3. Zahtjev za vještačenje broj 16640/22 od 11.11.2022. godine upućen Pašalić Hazimu vještaku mašinske struke, podoblast motori i vozila,
4. Odgovor na zahtjev za vještačenje Pašalić Hazima broj 16640-1/22 od 14.11.2022. godine,
5. Ugovor o djelu (vještačenju) broj 17063/22 od 16.11.2022. godine,
6. Nalaz o izvršenoj provjeri mehaničkih i hidrauličnih komponenti radne mašine marke Liebherr L507 (508) vještaka Pašalić Hazima, broj 17230/22 od 18.11.2022. godine.

Komisija je razmotrila naprijed navedenu dokumentaciju, sa posebnim osvrtom na Odgovor Agram-a DD Podružnica Zenica od 13.10.2022. godine i Nalaz o izvršenoj provjeri mehaničkih i hidrauličnih komponenti radne mašine Liebherr L507 (508) vještaka Pašalić Hazima, broj 17230/22 od 18.11.2022. godine i utvrdila sljedeće:

- Da radna mašina zadovoljava tehničke karakteristike tražene tenderskom dokumentacijom.

Što se tiče provjere radnih sati radne mašine i činjenice da li se takva mašina još uvijek proizvodi (zbog nabavke rezervnih dijelova):

- Agram DD Podružnica Zenica je u svom odgovoru i vještak Pašalić Hazim u svom Nalazu, uvidom u displej (mjerac radnih sati) su očitali da je radna mašina provela u radu 252 radna sata. Isti nisu mogli izvršiti provjeru da li je vršena neka vrsta manipulacije u vezi sa radnim satima u smislu njihovog smanjenja, pa samim tim nisu mogli ni utvrditi da li je broj od 252 radna sata stvaran broj radnih sati koje je predmetna radna mašina provela u radu, kako je od njih traženo.
- Agram DD Podružnica Zenica i vještak Pašalić Hazim su konstatovali da se predmetna radna mašina više ne proizvodi ali nisu mogli utvrditi da li za istu postoji mogućnost nabavke rezervnih dijelova.

Tenderskom dokumentacijom predviđeno je provođenje e-aukcije, ali ista nije zakazana obzirom da se e-aukcija ne zakazuje u slučaju prijema jedne prihvatljive ponude.

Shodno naprijed navedenom, a iz razloga što ponuda ispunjava sve zahtjeve tražene tenderskom dokumentacijom, Komisija za nabavke dala je **PREPORUKU** ugovornom organu da, u smislu člana 69. stav (1) tačka a), te člana 70. stav (3) Zakona o javnim nabavkama (Službeni glasnik BIH broj: 39/14 i 59/22) može donijeti Odluku o izboru ponuđača „**GAMŠA**“ d.o.o. Zenica, ul. Vrandučka br. 18, 72000 Zenica, te da odabranom ponuđaču ponudi zaključenje Ugovora o nabavci Radne mašine – utovarivača.

Shodno naprijed navedenom, donesena je odluka kao u dispozitivu.

Pouka o pravnom lijeku: Protiv ove odluke može se izjaviti žalba Ugovornom organu, najkasnije u roku od 5 (pet) dana od dana prijema ove odluke.

Broj: 17716 /22

Zenica, 23.11.2022.god.

Dostavljeno:

1x Ponuđači (putem mail adrese)

1x Uprava

Arhiva nabavke (Z.P.)



Direktor

Uy
Drino Vahdet